

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U GRAČANICI
Broj: 027-0-Su-25-000 556-11
Datum: 11.08.2025. godine

Na osnovu člana 64. stav 1. tačka b), člana 70. i člana 89. Zakona o javnim nabavkama („Službeni glasnik BiH“, broj: 39/14, 59/22 i 50/24), člana 31. stav 1. Zakona o sudovima u Federaciji BiH („Službene novine F BiH“, broj 38/05, 22/06. 63/10, 72/10, 7/13, 52/14 i 85/21), na preporuku Komisije za javnu nabavku, broj: 027-0-Su-25-000 556-10 od 04.08.2025. godine, predsjednik Općinskog suda u Gračanici, donosi

O D L U K U O IZBORU NAJPOVOLJNIJEG PONUĐAČA

I.

Prihvata se preporuka Komisije za javnu nabavku, broj: 027-0-Su-25-000 556-9 od 04.08.2025. godine, te se Ugovor javne nabavke roba: “Nabavka računara i računarske opreme” za potrebe Općinskog suda u Gračanici dodjeljuje ponuđaču Neutrino d.o.o. Klosterska 30, 75000 Tuzla, ponuda broj: I18-001-503/2025 22.07.2025. godine, za ponuđenu cijenu, nakon održane e-aukcije, od 27.380,00 KM bez PDV-a, odnosno 32.034.60 KM sa PDV-om.

II.

1. Odabrani ponuđač iz tačke I. ove Odluke dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti orginale ili ovjerne kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:
 - a) uvjerenje nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
 - b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
 - c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
 - d) potvrde nadležne/ih institucija o uredno izmirenim obavezama po osnovu direktnih i indirektnih poreza.

2. U slučaju da izabrani ponuđač propusti dostaviti dokaze iz prethodnog stava 1. u navedenom roku ili dostavi neprihvatljive dokaze, ova odluka će se poništiti.
3. Prijedlog ugovora dostavit će se na potpis izabranom ponuđaču po isteku roka od 10 (deset) dana od dana obavještenja učesnika u postupku o izboru najpovoljnijeg ponuđača.

III.

Ova odluka objavit će se na web-stranici suda, www.opsud-gracanica.pravosudje.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

IV.

Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke u skladu sa članom 71. stav 2. Zakona o javnim nabavkama.

V.

Po pravosnažnosti ove Odluke, Ugovorni organ će pozvati ponuđača radi zaključenja predmetnog ugovora kojim će regulisati međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke, broj: 027-0-Su-25-000 556 od 17.07.2025. godine.

Javna nabavka je sprovedena po postupku– Konkurentski zahtjev za dostavu ponuda – tenderska dokumentacija, broj: 027-0-Su-25-000 556 od 21.07.2025. godine. Obavještenje o nabavci je objavljeno na Portalu javnih nabavki, obavještenje o nabavci broj: 352-7-1-41-3-3/25 od 21.07.2025. godine.

Procijenjena vrijednost ukupne javne nabavke roba “Nabavka računara i računarske opreme” za potrebe Općinskog suda u Gračanici bez PDV-a iznosi: 27 521,00 KM.

Komisija za javnu nabavku imenovana Rješenjem predsjednika Općinskog suda u Gračanici, broj: 027-0-Su-25-000 556-1 od 17.07.2025. godine, je dostavila: Zapisnik o pregledu i ocjeni ponuda, broj: 027-0-Su-25-000 556-8 od 31.07.2025. i 04.08.2025. godine, Preporuku o izboru najpovoljnijeg ponuđača, broj: 027-0-Su-25-000 556-10 od 04.08.2025. godine i Cjelokupnu tendersku dokumentaciju broj: 027-0-Su-25-000 556.

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda o čemu je sačinila odgovarajuće zapisnike u kojima je utvrđeno sljedeće:

- Da je ukupan broj prispjelih ponuda: 3 (tri) ponude,
- Da je broj blagovremeno zaprimljenih ponuda: 3 (tri) ponude,
- Da nema nepravilnih ponuda,
- Da je ukupan broj prihvatljivih ponuda: 3 (tri) ponude

R/br.	Naziv ponuđača	Ponudena cijena bez PDV-a
1.	Neutrino d.o.o. Klosterska 30, 75000 Tuzla	27.500,00 KM
2.	DOO „INGEL“ Tuzla M.M. Dizdara do B 11, PZC „Stupine“ 45 A/P, 75 000 Tuzla	27.511,00 KM
3.	MOON d.o.o. Zenica, Maršala Tita 38, 72000 Zenica	27.521,00 KM

U skladu sa tačkom 4. tenderske dokumentacije zakazana je i provedena e-aukcija u sistemu E nabavke u skladu sa Pravilnikom o uslovima i načinu korištenja e-aukcije („Službeni glasnik BiH”, broj: 80/23). E-aukcija je zakazana dana 01.08.2025. godine u 14:09:40 sati, sa terminom državanja e-aukcije 04.08.2025. godine, sa vremenom početka 09:30:00 sati i predviđenim trajanjem e-aukcije od 15 minuta.

Nakon okončane e-aukcije koja je trajala u vremenskom periodu od 09:30 do 09:45 sati 04.08.2025. godine, a u skladu sa Izvještajem o toku i završetku E-aukcije, Komisija je konstatovala da je došlo do promjene cijene u odnosu na početne, te je utvrdila konačnu rang listu ponuđača koji su učestvovali u e-aukciji po kriteriju najniže cijene iz tenderske dokumentacije, kako slijedi:

R/br.	Naziv / Ime ponuđača	Konačna cijena ponude bez PDV-a
1.	Neutrino d.o.o. Klosterska 30, 75000 Tuzla	27.380,00 KM
2.	MOON d.o.o. Zenica, Maršala Tita 38, 72000 Zenica	27.400,00 KM
3.	DOO „INGEL“ Tuzla M.M. Dizdara do B 11, PZC „Stupine“ 45 A/P, 75 000 Tuzla	27.511,00 KM

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu ispunjavanja kvalifikacionih uslova te ocjenu prispjelih ponuda ponuđača u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupala, te da je preporuka za izbor najpovoljnijeg ponuđača data u skladu sa Zakonom o javnim nabavkama BiH, podzakonskim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocjenjen zbog „najniže cijene“ nakon održane e aukcije, kako slijedi u konačnoj rang listi ponuđača koji su učestvovali u e-aukciji.

Izabrani ponuđač „Neutrino d.o.o.“ Klosterska 30, 75000 Tuzla, je izabran primjenjujući kriterij „najniže cijene“, koja iznosi 27.380,00 KM bez PDV-a odnosno 32.034.60 KM sa PDV-om.

Iz navedenih razloga, primjenom člana 64. stav 1. tačka b) i člana 70. stav 1. i 3. Zakona o javnim nabavkama („Službeni glasnik BiH“, broj: 39/14,59/22 i 50/24), te na osnovu člana 31. stav 1. Zakona o sudovima u Federaciji BiH („Službene novine F BiH“, broj: 38/05, 22/06, 63/10, 72/10, 7/13, 52/14,85/21), odlučeno je kao u dispozitivu tačke I. do V. ove Odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema Odluke o izboru najpovoljnijeg ponuđača, a sve u skladu sa članom 99. i 101. tačka 5.) Zakona o javnim nabavkama.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje 3 (tri) primjerka.

